



Služba za ekonomski razvoj i društvene djelatnosti

Broj: 04- /2017
Tuzla, 28.09.2017. godine

Na osnovu Sporazuma zaključenog između Grada Tuzla i Humanitarne organizacije Muslim Aid, broj: 02-14-9004-2017 od 18.09.2017.godine, kojim su osigurana donatorska sredstva od strane Humanitarne organizacije Muslim Aid u iznosu od 40 %, Grada Tuzla u iznosu od 40 % i vlastitog učešća korisnika 20 %, u cilju razvoja plasteničke proizvodnje na području Grada Tuzla i Pravilnika o utvrđivanju uslova, kriterija i postupaka za ostvarivanje prava na dodjelu plastenika u projektu „Ekonomsko osnaživanje socijalno i materijalno ugroženih osoba i mladih osoba kroz proizvodnju povrća u plastenicima na području Grada Tuzla u 2017 godini“, broj: 02-35-9253-2017, od 27.09.2017. godine, Služba za ekonomski razvoj i društvene djelatnosti raspisuje:

JAVNI POZIV
za predaju zahtjeva za dodjelu plastenika od 100 m² sa dodatnom opremom putem
sufinansiranja u projektu

I PRAVO UČEŠĆA

Pravo na učešće u Projektu imaju socijalno i materijalno ugrožene osobe i mlade osobe sa područja Grada Tuzla koje posjeduju vlastito poljoprivredno zemljište ili zemljište u vlasništvu užih članova porodice, kao i zemljište ustupljeno na korištenje ili uzeto u zakup u neposrednoj blizini stambenog objekta u kojem stanuju.

II USLOVI ZA DODJELU PLASTENIKA

Podnosilac zahtjeva treba da ispunjava slijedeće uslove:

1. Da je nezaposlena osoba ili osoba sa minimalnim primanjima,
2. Da je upisan u Registar poljoprivrednih gazdinstava i klijenata u Gradu Tuzla i izvršio ažuriranje podataka za 2017. godinu, ili ovjerena izjava da će se upisati u Registar poljoprivrednih gazdinstava i klijenata nakon dodjele plastenika,
3. Da je podnosilac zahtjeva ili član uže porodice vlasnik ili posjednik poljoprivrednog zemljišta pogodnog za plasteničku proizvodnju, a koje se nalazi u neposrednoj blizini stambenog objekta u kojem stanuje,
4. Da ima mogućnost navodnjavanja plastenika,
5. Da sufinansira 20% od nabavne cijene plastenika sa pratećom opremom (490,00 KM),
6. Da obavezno prisustvuje edukaciji iz oblasti plasteničke proizvodnje u trajanju od dva dana.

Služba za ekonomski razvoj i društvene djelatnosti, Grada Tuzla je nosilac aktivnosti vezanih za realizaciju Projekta.

III KRITERIJI ZA DODJELU PLASTENIKA

Kriteriji za bodovanje podnosioca zahtjeva:

- a) pogodnost zemljišta za plasteničku proizvodnju i mogućnost navodnjavanja (utvrđuje Komisija za dodjelu plastenika na licu mjesta),
 - slabi uslovi (veliki nagib, udaljenost od kuće više od 200 m) 1 bod
 - dobri uslovi (relativno veliki nagib, udaljenost od kuće do 100 m) 2 boda,

- jako dobri uslovi (blagi nagib, blizu kuće, dobar pristup) 3 boda.

Kandidati kod kojih se na terenu utvrdi da ne posjeduju poljoprivredno zemljište pogodno za plasteničku proizvodnju (npr. veliki nagib, veličina parcele i sl.) ili nemaju mogućnosti za navodnjavanje neće se bodovati, te se njihove prijave neće uzeti u razmatranje.

b) dodatni bodovi po osnovu pripadnosti jednoj od dole navedenih kategorija:

- podnosilac zahtjeva nezaposlen (vrijeme provedeno na evidenciji nezaposlenih osoba Službe za zapošljavanje),
 - od 0-3 god. 1 bod,
 - od 3-6 god. 2 boda,
 - od 6-10 god. 3 boda,
 - više od 10 god. 4 boda,
- za svakog punoljetnog nezaposlenog člana porodice, koji se nalazi na evidenciji nezaposlenih osoba Službe za zapošljavanje – 1 bod,
- za svakog izdržavanog člana porodice (nezaposlene osobe koje se nalaze na evidenciji nezaposlenih osoba Službe za zapošljavanje, djeca, učenici i sl.) – 1 bod,
- mlade osobe životne starosti do 35 godina – 5 bodova,
- ako je podnosilac zahtjeva samohrani roditelj – 2 boda,
- socijalni aspekt – bez primanja – 7 bodova,
- socijalni aspekt – minimalna primanja po članu domaćinstva do 200,00 KM -5 bodova,
- socijalni aspekt – minimalna primanja po članu domaćinstva do 250,00 KM - 4 boda,
- socijalni aspekt – minimalna primanja po članu domaćinstva do 300,00 KM - 3 boda,
- socijalni aspekt stanje na terenu: 0-4 boda.

Kada kandidati pri bodovanju imaju isti broj bodova, prednost će imati kandidati koji imaju status mlade osobe i/ili višečlane porodice.

IV POTREBNA DOKUMENTACIJA

Prijave na Javni poziv predaju se na propisanom obrascu uz koji se prilaže sljedeća dokumentacija:

1. CIPS obrazac podnosioca zahtjeva,
2. Kopija lične karte,
3. Ovjerena kućna lista,
4. Dokaz o nezaposlenosti kandidata izdat Službe za zapošljavanje ili potvrda da osoba nije poreski obveznik,
5. Dokaz o nezaposlenosti svih punoljetnih članova porodice izdat od Službe za zapošljavanje,
6. Potvrde iz škole/fakulteta za djecu/izdržavane članove domaćinstva,
7. Potvrda o visini primanja zaposlenih članova domaćinstva i/ili za penzionere ček od penzije,
8. Vlasništvo ili posjed nad parcelom (kopija ZK izvadka ili Posjedovnog lista, kao i Ugovor o zakupu),
9. Ovjerena izjava da podnosilac zahtjeva ne posjeduje platenik u svom vlasništvu,
10. Ovjerena izjava da će korisnik podsticaja dobiveni platenik zadržati u vlasništvu najmanje 2 godine od potpisivanja Ugovora,
11. Ovjerena izjava da podnosilac zahtjeva u posljednjih 5 godina nije ostvario pravo na donaciju, dodjelu ili sufinansiranje nabavke platenika od Grada Tuzla, ministarstva, humanitarnih i drugih organizacija,
12. Ovjerena izjava da će sufinansirati 20% od nabavne cijene platenika sa pratećom opremom (490,00 KM), te da će obavezno prisustvovati edukaciji iz oblasti plasteničke proizvodnje u trajanju od dva dana,
13. Dokaz da je samohrani roditelj (ovjerena kućna lista),
14. Potvrda o upisu u Registar poljoprivrednih gazdinstava koju izdaje nadležna služba za vođenje RPG i RK.

V PROCEDURA ODABIRA KORISNIKA

Komisiju za odabir krajnjih korisnika za dodjelu platenika sa pratećom opremom putem sufinansiranja u saradnji sa humanitarnom organizacijom čine: predstavnik organizacije Muslim Aid, predstavnik Grada i predstavnik Udruženja poljoprivrednika sa područja Grada Tuzla.

Zadatak Komisije za dodjelu plastenika je:

- pregled prispjelih prijava, evidentiranje kandidata koji ispunjavaju uslove iz Javnog poziva, obavljanje uviđaja na licu mjesta, sačinjavanje rang liste krajnjih korisnika na osnovu utvrđenih kriterija za bodovanje.

Na osnovu rang liste kandidata odabir krajnjih korisnika zajednički će izvršiti Muslim Aid BiH i Grad Tuzla.

Rang lista odabranih kandidata će biti objavljena na oglasnoj ploči Grada i web stranici Grada Tuzla.

NAPOMENA:

- Kandidati koji ostvare pravo na dodjelu plastenika obavezni su prisustvovati edukaciji u trajanju od dva dana.

Obrasci zahtjeva za prijavu mogu se preuzeti na info pultu Grada Tuzla i zajedno sa dokumentacijom u zatvorenoj koverti predati u Pisarnicu Grada ili putem pošte sa naznakom: „**GRAD TUZLA – Služba za ekonomski razvoj i društvene djelatnosti, Ul. ZAVNOBiH-a br. 11, 75000 Tuzla, Komisiji za provođenje procedure po javnom pozivu za dodjelu plastenika – NE OTVARATI**“.

Rok za podnošenje prijava je 15 dana, od dana objavljivanja javnog poziva na web stranici Grada Tuzla www.Tuzla.ba, te na oglasnoj ploči Grada Tuzla., a **zaključno sa 13.10.2017. godine.**

Sve dodatne informacije mogu se dobiti u Službi za ekonomski razvoj i društvene djelatnosti, ili na broj telefona 035/307 416 svakim radnim danom od 08:00-16:00 sati.

Nepotpune i neblagovremene prijave se neće uzeti u razmatranje.

Dostavljeno:

1x Muslim Aid, Sarajevo,
1x Web stranica Grada Tuzla,
1x Gradonačelnik
1x Evidencija
1x a/a

**Rukovodilac Službe - pomoćnik Gradonačelnika
za Službu za ekonomski razvoj i društvene djelatnosti**

Vedran Lakić, dipl. oec.